

COMUN: I litadus che oress gní scric ite tl album dles porsones adatades ala inciaria de compèdausc dess fá domanda te comun cina ai 30.11.2016; chi che oress gní scric ite por l'inciaria de president de seziun litala dess fá domanda te comun cina ai 31.10.2016. Chi che é bele scric ite n'á nia plü bria da fá domanda.

PLOANIES SAN MARTIN Y LUNGIARÜ

Le comité dla Uniun di Èi dl decanat Val Badia inviëia düc i èi y i jogn en vëndres ai 30 de setëmbër dales 19,30 a tó pert ala **prozesciun cun linternes** da San Linert sö Oies. Sc'i sun tröc devëntel por düc na bela esperiënza de fede.

PLOANIA SAN MARTIN

La Uniun dla Musiga aoda na **buna Segra** y inviëia a tó pert y fá conferta sön plaza dl paiun. Bele danmisdé ciafëise liagnes blances y spo da marëna; dales 14.00 inant tēgn la Musiga Catarina Lanz d'Al Plan n bel concert y da sēra vëgnel soné musiga da bal. Crafuns da segra ne falará gnanca! Gnide a se ciafé.

En dedemesaledema ai 28 de setëmbër vëgnel indô **sié la cortina** dales 17.00 inant; tl caje de bur tēmp vëgnel sié le de do (jöbia). Chi che á dlaurela vëgn dēr bel peria da gní a daidé.

Al vëgn recordé la festa de „**1700 agn San Martin da Tours**“ che vëgn tignida tl Dom da Porsenú la domënia ai 16 d'otober dales 15.00. Döta la comunità da San Martin é inviada da tó pert adöm cun les atres ploanies de Südtirol che porta l'inom de San Martin. Inviades é ince les vijinanzas che á na capela dedicada a San Martin. Chiló da San Martin vâl ia n bus. Al foss dēr bel sc'al nen foss tröc che gniss, desmostran insciö nosta unité cun la Diozeja y cun les atres ploanies. Präibel prenotesse cina la domënia ai 2 d'otober pro Leo Crepaz 348 40 96 351; le cost é de 10 € porom, chi sot a 18 agn vá debann. Les families che vëgn é dēr bel inviades da se tó cun ères val' da mangé da mēte sön mēsa che vëgn do mēssa metü adöm y partí sön plaza dl dom; le davagn che vëgn ite vá a jënt dala meseria tles misciuns. Chësta „agape“ do mēssa vëgn tignida por recordé la generosité de San Martin.

La Ciasa de Palsa inviëia düc al **De di Seniors**. I s'aspetun en sabeda al 1 d'otober. Do la mēssa dles 15.30 stunse adöm pro musiga, val' da bēre y de duc. La Ciasa de Palsa chir renforz por le grup di/les voluntars/es: porsones de vigni eté che á ligrëza da se dé jö cun jënt atempada. Por informaziuns telefonede 0474-524 700 y damanede do Ghitti o Albina).

Le Comité dla Uniun dles Patrunes inviëia les patrunes da mené les fotografies por le concurs „**Nüsc bi urc**“ a verena.niederkofler@baeuerinnen.it cina al 01/10.

La scora mesana tl Herz-Jesu-Institut Mühlbach é defata les iscriziuns 2017/18. Le pensionat dlungia cun 50 posé dēida ince do scora da studié. Ai 14 y ai 24/10 é dales 16.00 incuntades d'informaziun (anunziesse denant). Al pó ince gní concordé d'atres dates. Info www.herzjesu-institut.it, tel.: 0472/849727 o e-mail: sekretariat@herzjesu-institut.it



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

25.09. - 02.10.16 nr. 44

termo da publiché: jöbia 20.00
radio: 90,40 / 93,70

26^a DOMËNIA IA POR L'ANN - C

Vangele do San Lûca 16,19-31

Do che le püre Lazarus ê mort,
él gnü porté dai agnui tl gremo de Àbraham.
Ince le rich é mort y é gnü sopoli.
Tl somonn olach'al gnô tormenté da n gran dolor,
àl ciarè sö y odô dalunc Àbraham,
y Làzarus te so gremo.

Dailò àl scraié:

Pere Àbraham, mēnete piçe de mé, y ortiëia Làzarus jö da mē;
al dess almanco tocé la piza de so dēit t'ega y me renfreschè la lēnga,
deache chësc fūch me tichinëia.

Àbraham ti à respognü: Mi môt, pēnsa do, che t'as bele tratan tūa vita
ciafè tūa pert de bëgn, Làzarus indere mâ de stlet. Sëgn vëgnel consolè
por chël, tō indere mēsses patì.

*Danter Lazarus y le ricun él na gran lerch che i despartësc.
Ai ne s'incunta mai. Y impó ti stá Lazarus al ricun feter te tru.
Mo chësc ne le vëiga nia, ne s'intēnn gnanca de sūa meseria.
Por Lazarus fora dan porta n'él nia dessurora.
Ince ia tl ater monn él na gran destanza danter i dui:
n gran fossé danter lassö y lajö.*

*Chësta parabola dēr concreta me damana:
T'intēneste pordërt dla meseria dl püre che n'é nia dalunc da te,
che la stracia inant dan tūa porta?
Aste edli por le monn incëria o pēnseste ma a to bëgnester?*

*Por döta chë jënt che arsësc sön les spones, che röia dan sis y confins stluc,
che pëtla do n post da sté, messunse avëi val' dessurora.
Tan poste pa dé? damana Gejú en chësta domënia.
Tan de scioldi pa? Tan de atenziun pa? Tan d'amur pa?
y: Podesste dé ciamó val' deplü? (image)*



	SAN MARTIN		LUNGIARÛ
25.09.16 26^a DOMËNIA – ANN C	<i>Segra – Aniversar dla Consacraziun dla Dlijia</i> 9.00 Corona por la defunta Elena Rubatscher Zingerle 09.30 Gran Mëssa 11.00 Bato de Mattia Ploner Bato de Lara Marie Orlando	25.09.16 Domënia	7.55 Corona 8.15 Gran Mëssa 15.00 Corona tla capela de S. Ujöp da Oies
26.09.16 Lönesc <i>Cosma y Damian, Eugenia</i>		26.09.16 Lönesc	
27.09.16 Dedolönesc <i>Vinzenz de Paul, Hiltrud</i>	15.30 Mëssa sö Frëina a d'intenziun en onur de Sant Ujöp Freinademetz	27.09.16 Mertesc	
28.09.16 Dedemesaledema <i>Wenzel, Lioba</i>		28.09.16 Mercui	7.30 Mëssa + + + Paul, Loise y Maria Chiusura + + Angela y Scebio Nagler 20.00 Referat de siur Sepl Granruaz tl salf <i>“Cherdunse ma aladô ch'al s'öga?”</i>
29.09.16 Jöbia <i>Michil, Rafael y Gabriel</i>	7.30 Mëssa 2 ^a de sopoltöra de Elena Rubatscher Zingerle + siur Heinrich Videsott de rengraziamënt Corona por vocaziuns	29.09.16 Jöbia	(7.30 Prozesciun sö La Crusc da San Linert sö 9.30 Mëssa sö la Crusc en onú di agnui <i>M.R.G)</i>
30.09.16 Vëndres <i>Iarone, Sofia</i>	18.30 Adoraziun chita 19.00 Adoraziun deboriada	30.09.16 Vëndres	7.30 Mëssa fam. Sepl Clara, Soví + + Carlo y Pio Mischì + + de Pire y Renate Clara
01.10.16 Sabeda <i>Tarejia dl Bambin Gejú</i>	15.30 Mëssa tla Ciasa de Palsa 18.30 Mëssa prefestia 3 ^a de sopoltöra de Elena Rubatscher Zingerle + + Agata y Hermann Rungger + + Hermann y Zilia Prousch	01.10. .16 Sabeda	14.00 Noza de Katja Clara y Alex Pedratscher <i>degöna mëssa prefestia</i>
02.10.16 27^a DOMËNIA – ANN C Segra dl Rosare	9.00 Prozesciun dl Rosare 09.30 Gran Mëssa 17.00 Cianté en onú de Santa Maria	02.10.16 Domënia	7.55 Adoraziun (pröma pert) 8.15 Gran Mëssa a d'intenziun dl grup dla corona dedô Adoraziun (secunda pert) 11.00 Bato de Marc Daporta , Grones 15.00 Corona tla capela de S. Ujöp da Oies